

**ՀԱՅՏԱՐԱՐՈՒԹՅՈՒՆ**  
**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ՆԳ-2019/38, 06.06.2019թ.

**Բողոք ներկայացնող անձ՝** «Մեյդ Թու Մեյք» ՍՊԸ

**Պատվիրատու՝** ՀԱԷԿ ՓԲԸ

**Գնման ընթացակարգի ծածկագիրը և առարկան՝** ՀԱԷԿ-ԲՄԱՊՁԲ-10/19 ծածկագրով բաց մրցույթ, պաշտպանիչ միջոցների ձեռքբերում:

**Բողոքի պահանջը՝**

«Մեյդ Թու Մեյք» ՍՊԸ-ին չվերագրել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի ա ենթակետով նախատեսված գնման գործընթացի շրջանակում ստանձնած որևէ պարտավորության խախտում, կասեցնել ՀԱԷԿ ՓԲԸ-ի ՀԱԷԿ-ԲՄԱՊՁԲ-10/19 ծածկագրով ընթացակարգի գնահատող հանձնաժողովի համար 3 արձանագրությունը և ճանաչել ՀԱԷԿ ՓԲԸ-ի կողմից հայտարարված ՀԱԷԿ-ԲՄԱՊՁԲ-10/19 ծածկագրով պաշտպանիչ միջոցների ձեռքբերման մրցույթում 6, 14 և 17 չափաբաժիններով ընտրված մասնակից:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Գ. ՆԵՐՍԻՍՅԱՆ,**

**ՔԱՐՏՈՒՂԱՐ՝ Տ. ԳԵՎՈՐԳՅԱՆ**

Տեղեկացնում ենք, որ բողոքի քննության նպատակով հրավիրվող նիստերին առցանց կարող եք հետևել <https://www.e-gov.am/gnumner/> հղումով կայք-էջում:

Միաժամանակ տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

ՀՀ ՖԻՆԱՆՍՆԵՐԻ ՆԱԽՐԱՐՈՒԹՅՈՒՆ  
ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՐԷՆ  
Ք.Երևան Մելիք Աղամյան 1

Պատվիրատու՝ Հայկական Ատոմային Էլեկտրակայան ՓԲԸ  
Հասցե՝ ՀՀ Արմավիրի մարզ, ք.Սեծամոր  
Ընթացակարգի ծածկագիր՝ ՀԱԷԿ-ԲՄԱՊԶԲ-10/19  
Գնման առարկա՝ Պաշտպանիչ միջոցներ

Էլ. հասցե՝ anpp@anpp.am  
ՀՀԲՆ 010281880  
ՀՀԲՆ 010200491

Մասնակից՝ «Մեյդ Թու Մեյք» ՍՊԸ

Տնօրեն՝ Յ. Դանիելյան

Ք. Երևան, Վ.Համբարձումյան 1/2

Հեռ. 010390009, Էլ. Հասցե՝ info@m2m.am

ՀՎՀՀ 01570843

«ԻՆԵՎՈ ԲԱՆԿ» ՓԲԸ

h/h 2050022299901001

### Բողոք

«Մեյդ Թու Մեյք» ՍՊԸ-ին գնումների գործընթացին մասնակցելու իրավունք չունեցող  
մասնակիցների ցուցակում ներառելու և երկրորդ փուլ անցած մասնակցին հաղթող ճանաչելու  
նպատակով նախաձեռնված ընթացակարգի հիմքերի վերաբերյալ

«Մեյդ Թու Մեյք» ՍՊԸ-ին (այսուհետ նաև՝ Ընկերություն) գնումների գործընթացին  
մասնակցելու իրավունք չունեցող մասնակիցների ցուցակում ներառելու և երկրորդ փուլ անցած  
ՄԵՆԱՏԱԿԱՆՍ

06.06.2019թ.



մասնակցին հաղթող ճանաչելու նպատակով նախաձեռնված ընթացակարգի հիմքերի վերաբերյալ ներկայացվում են հետևյալ նկատառումները.

• **Գործի նախապատմությունը և փաստերը**

08.05.2019թ. «Մեյդ Թու Մեյք» ՍՊԸ –ն մասնակցել է Հայկական Ատոմային Էլեկտրակայան ՓԲԸ-ի (այսուհետ Պատվիրատու) կողմից հայտարարված ՀԱԷԿ-ԲՄԱՊՁԲ-10-19 ծածկագրով պաշտպանիչ միջոցների գնման ընթացակարգին: «Մեյդ Թու Մեյք» ՍՊԸ-ն գնային առաջարկ է ներկայացրել 1,2,5,6,10,12,13,14,15,17 և 20 չափաբաժինների համար, որոնց արժեքը կազմել է 1 չափաբաժնի համար 5040 ՀՀ դրամ, 2 չափաբաժնի համար 31250 ՀՀ դրամ, 5 չափաբաժնի համար 4100000ՀՀ դրամ, 6 չափաբաժնի համար 9000022 դրամ, 10 չափաբաժնի համար 990000 ՀՀ դրամ, 12 չափաբաժնի համար 625000 ՀՀ դրամ, 13 չափաբաժնի համար 1797000 ՀՀ դրամ, 14 չափաբաժնի համար 71820 ՀՀ դրամ, 15 չափաբաժնի համար 2390000 ՀՀ դրամ, 17 չափաբաժնի համար 728910 ՀՀ դրամ, 18 չափաբաժնի համար 2990000ՀՀ դրամ: Միժամանակ «Մեյդ Թու Մեյք» ՍՊԸ –ն ներկայացրել հայտարարություն և հավաստել է, որ բավարարում է ՀԱԷԿ-ԲՄԱՊՁԲ-10-19 ծածկագրով գնանշման հարցման մրցույթի հրավերով սահմանված որակավորման չափանիշների պահանջներին, մասնավորապես ՀՀ «Գնումների մասին» օրենքի 6-րդ հոդվածի 1-ին մասի 2-րդ ենթակետին:

21.05.2019թ. Պատվիրատուի կողմից «Մեյդ Թու Մեյք» ՍՊԸ –ն ստացել է «ՀԱԷԿ-ԲՄԱՊՁԲ-10-19» գնահատող հանձնաժողովի նիստի N2.1 արձանագրությունը, համաձայն որի «Մեյդ Թու Մեյք» ՍՊԸ 6,14 և 17 չափաբաժիններով ճանչվել է առաջին տեղ զբաղեցրաց մասնակից և ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման մասին» կարգի 43-րդ կետի 4-րդ ենթակետի համաձայան առաջարկվել է 3 աշխատանքային օրվա ընթացքում ներկայացնել որակավորման չափանիշները հիմանավորող հրավերով նախատված փաստաթղթերը:

23.05.2019թ. «Մեյդ Թու Մեյք» ՍՊԸ-ի կողմից գնման ընթացակարգի համակարգողի էլ. Հասցեին ուղարկվել է ահրաժեշտ փաստաթղթերը՝ հրավերով նախատեսված հավելված 6 և հավելված 6.1:

04.06.2019թ. «Մեյդ Թու Մեյք» ՍՊԸ –ն ստացել է «ՀԱԷԿ-ԲՄԱՊՁԲ-10-19» գնահատող հանձնաժողովի նիստի N3 արձանագրությունը, համակարգողը տեղեկացրել է, որ «Մեյդ Թու Մեյք» ՍՊԸ-ն ունի հարկային ժամկետանց պարտավորություն 12000 ՀՀ դրամի չափով և «Մեյդ Թու Մեյք» ՍՊԸ-ի հայտը մերժվել է: 05.06.2019 «Մեյդ Թու Մեյք» ՍՊԸ-ի կողմից «ՀԱԷԿ-ԲՄԱՊՁԲ-10-19» ծածկագրով մրցույթի համակարգողին էլ. հասցեին է ուղարկվել ՀՀ ՊԵԿ կողմից 15.05.2019թ. տրված N1357 տեղեկանք «հարկային մարմնի կողմից վերահսկվող եկամուտների գծով պարտավորությունների, դեբետային մնացորդների, սահմանված չափից ավել վճարված գումարների



և միասնական հաշվում առկա գումարների վերաբերյալ» : N 1357 տեղեկանքում նշված է, որ ժամկետանց գումարը վերաբրվում է դրոշմային վճարին և կազմում է 12000 ՀՀ դրամ և միասնական հաշվի առկա գումարը (գերավճարը) կազմում է 4 582 754 ՀՀ դրամ: Ընթացակարգի գնահատող հանձնաժողովը հարցում է կատարել ՀՀ ՊԵԿ՝ առաջին տեղ զբաղեցրած մասնակցի ՀՀ պետական բյուջեի նկատմամբ ժամկետանց հարկային պարտավորությունների վերաբերյալ, որին ի պատասխան տրվել է եզրակացություն, համաձայն որի «Մեյդ Թու Մեյք» ՍՊԸ-ն հայտը ներկայացնելու օրվա դրությամբ /08.05.2019թ./ ՀՀ պետական բյուջեի նկատմամբ ունի հարկային մարմնի կողմից վերահսկվող եկամուտների գծով օրենքով նախատեսված շեմը գերազանցող ժամկետանց պարտավորություններ /12000 ՀՀ դրամ/ և մերժել է հայտը:

- **Գործի իրավական հիմքերը և հիմնավորումները.**

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 2-րդ կետի համաձայն՝ բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեն իրենց ներկայացրած գնային առաջարկի մինչև մեկ տոկոսը, բայց ոչ ավելի, քան հիսուն հազար Հայաստանի Հանրապետության դրամը գերազանցող ժամկետանց պարտավորություններ:

Սույն հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին սովյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:



ՀՀ պետական եկամուտների կոմիտեի կողմից ՀՀ կառավարության 04.05.2017թ. N 526-Ն որոշմամբ հաստատված «Փնտմների գործընթացի կազմակերպման» կարգի 43-րդ կետի 3-րդ ենթակետով և 44-րդ կետով սահմանված կարգով տրամադրված եզրակացության համաձայն՝ «Մեյդ Թու Մեյք» ՍՊԸ-ն 08.05.2019թ. դրությամբ /հայտը ներկայացնելու օր/ ՀՀ պետական բյուջեի նկատմամբ ունի 12000 ՀՀ դրամի ժամկետանց հարկային պարտավորություններ: Մինչդեռ, մինչև հայտ ներկայացնելը, «Մեյդ Թու Մեյք» ՍՊԸ-ը Taxservice.am-ի միջոցով դիտել և համոզվել է, որ առ 08.05.2019թ. միսնական հաշվին ստկա է 4 582 754 ՀՀ դրամ և ժամկետանց հարկային պարտավորությունները կազմում են 0 ՀՀ դրամ:

Հայտնում ենք, որ «Մեյդ Թու Մեյք» ՍՊԸ-ի մոտ 12000 ՀՀ դրամի ժամկետանց հարկային պարտավորությունը առաջացել է «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարման գծով (համապատասխան ապացույցը կցվում է):

Գտնում ենք, որ «Մեյդ Թու Մեյք» ՍՊԸ-ն «ՀԱԷԿ-ԲՄԱՊՁԲ-10/19» ընթացակարգի շրջանակում չի խախտել ստանձնած որևէ պարտավորություն հետևյալ հիմնավորմամբ:

- Նախ, պետք է նշել, որ ՀՀ ԿԱ ՊԵԿ նախագահի 2017թ. հուլիսի 19-ի թիվ 228-Ն հրամանի (հրապարակված է [www.arlis.am](http://www.arlis.am) համակարգում) համաձայն՝ սահմանվել է վերահսկվող եկամուտների գծով պարտավորությունների վերաբերյալ տրվող տեղեկանքը ձև, որտեղ որպես հարկային մարմնի կողմից վերահսկվող եկամուտների գծով պարտավորություն «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարը ընդհանրապես նախատեսված չէ:

ՀՀ ԿԱ ՊԵԿ նախագահի արդեն 2018թ. ապրիլի 11-ի թիվ 245-Ն հրամանի (հրապարակված է [www.arlis.am](http://www.arlis.am) համակարգում) համաձայն՝ սահմանվել է վերահսկվող եկամուտների գծով պարտավորությունների վերաբերյալ տրվող տեղեկանքի նոր ձև, որտեղ որպես հարկային մարմնի կողմից վերահսկվող եկամուտների գծով պարտավորություն «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարը նույնպես նախատեսված չէ:

Սակայն «ՀԱԷԿ» ՓԲԸ-ի կարիքների համար կազմակերպված «ՀԱԷԿ-ԲՄԱՊՁԲ-10/19» ծածկագրով գնման ընթացակարգի շրջանակներում բացահայտվել է, որ «Մեյդ Թու Մեյք» ՍՊԸ-ն



ունի հարկային մարմինների կողմից վերահսկվող եկամուտների գծով պարտավորություն՝ «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարի գծով (նման պարտավորության առկայության փաստը մինչ այդ երբևիցե չի ներկայացվել ՊԵԿ-ի կողմից), պարզվել է, որ 2018թ. հուլիսին վերահսկվող եկամուտների գծով պարտավորությունների վերաբերյալ տրվող տեղեկանքի ձևում կատարվել են փոփոխություններ, և որպես վերահսկվող եկամուտների գծով առանձին պարտավորություն է դիտարկվել նաև դրոշմանիշների վճարը՝ առանձին տողի ձևով: Պետք է նշել, որ վկայակոչված հրամանը հասանելի չէ, այն հրապարակված չէ, և «Մեյդ Թու Մեյք» ՍՊԸ-ն չէր կարող տեղյակ լինել, որ «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարը այսուհետ դիտարկվել է որպես վերահսկվող եկամուտների գծով առանձին պարտավորություն, և Ընկերությունը ընթացակարգի մասնակցության հայտի հայտնել է և հավաստ, որ բավարարում է ընթացակարգի հրավերով սահմանված մասնակցության իրավունքի պահանջներին, նման պայմաններում, մեր կարծիքով, չի խախտել գնման գործընթացում ստանձնած որևէ պարտավորություն:

- ՀՀ գնումների հետ կապված բողոքներ քննող անձի ուշադրությունն ենք հրավիրում նաև այն հանգամանքի վրա, որ «Հարկ վճարողի անձնական հաշվի քարտի» քաղվածքի համաձայն՝ «Մեյդ Թու Մեյք» ՍՊԸ-ն 08.05.2019թ. դրությամբ հարկային մարմինների կողմից վերահսկվող եկամուտների գծով ժամկետանց պարտավորությունները կազմում են 0 ՀՀ դրամ և դեռ ավելին՝ մասնական հաշվին առկա է 4 582 754 ՀՀ դրամ ( տեղեկանքը կցվում է): Եվ պետք է նշել, որ «Մեյդ Թու Մեյք» ՍՊԸ-ի միասնական հաշվի պատկերում արտացոլված չէ դրոշմանիշների վճարի վերաբերյալ որևէ տեղեկատվություն, և ընկերությունը հայտը ներկայացրել է՝ հիմք ընդունելով «Հարկ վճարողի անձնական հաշվի քարտի» տվյալները, ըստ որի՝ «Մեյդ Թու Մեյք» ՍՊԸ-ն հայտը ներկայացնելու օրվա դրությամբ /08.05.2019թ./ ՀՀ պետական բյուջեի նկատմամբ հարկային մարմնի կողմից վերահսկվող եկամուտների գծով պարտավորություններ չունի: Մինևույն ժամանակ, «Հարկ վճարողի անձնական հաշվի քարտի» քաղվածքում վկայակոչված է ՀՀ ԿԱ ՊԵԿ նախագահի դեռևս 2018թ. ապրիլի 11-ի թիվ 245-Ն հրամանը:

Անհրաժեշտ ենք համարում նշել նաև, որ «Մեյդ Թու Մեյք» ՍՊԸ-նը թյուրիմացության մեջ է գցել նաև այն հանգամանքը, որ «Հարկային ծառայության մասին» ՀՀ օրենքի 4-րդ հոդվածի համաձայն՝ հարկային մարմնի կողմից վերահսկվող եկամուտները դիտարկվել են Հայաստանի



Հանրապետության պետական և համայնքների բյուջեներ վճարվող հարկերի, տուրքերի և օրենքով սահմանված վճարների, դրանց նկատմամբ օրենքով սահմանված կարգով հաշվարկվող տույժերի և տուգանքների ամբողջություն, որոնց հաշվառումը, հաշվառման և (կամ) վճարման նկատմամբ հսկողությունը, մուտքերի ապահովման վերահսկողությունն օրենսդրությամբ վերապահված է հարկային մարմնին: Մինևույն ժամանակ ՀՀ հարկային օրենսգիրքը անդրադառնալով հարկերի և տուրքերի համակարգին, օրենսգրքի 6-րդ և 7-րդ հոդվածներում սպառիչ թվարկվում է ՀՀ-ում կիրառվող վճարների բոլոր տեսակները այն է՝

1) պետական հարկեր, որոնց տեսակներն են՝

ա. սվելացված արժեքի հարկը

բ. ակցիզային հարկը,

գ. շահութահարկը,

դ. եկամտային հարկը,

ե. բնապահպանական հարկը,

զ. ճանապարհային հարկը,

է. շրջանառության հարկը,

ը. արտոնագրային հարկը.

2) տեղական հարկեր, որոնց տեսակներն են՝

ա. անշարժ գույքի հարկը,

բ. փոխադրամիջոցների գույքահարկը:

2. Հայաստանի Հանրապետությունում չեն կարող սահմանվել այնպիսի հարկեր, որոնք նախատեսված չեն սույն հոդվածի 1-ին մասի 1-ին և 2-րդ կետերով:

1) պետական վճարներ, որոնց տեսակներն են՝

ա. պետական տուրքը,

բ. բնօգտագործման վճարը,

գ. սոցիալական վճարը,

դ. ուղիռհաճախականության օգտագործման թույլտվության տրամադրման (գործողության ժամկետի երկարաձգման) պարտադիր վճարը և օգտագործման պարտադիր վճարը,

ե. հանրային ծառայությունների կարգավորման պարտադիր վճարը,

զ. կենսաթոշակային վճարը.



2) տեղական վճարներ, որոնց տեսակներն են՝

ա. տեղական տուրքը,

բ. տեղական վճարը:

Վերը նշվածների շարքում բացակայում է «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարը, և վերոհիշյալ տրամաբանությամբ, ըստ Շնկերության, «Հարկային ծառայության մասին» ՀՀ օրենքի 4-րդ հոդվածի համաձայն՝ վրոշմանիշների վճարը չպետք է դիտարկվեր հարկային մարմնի կողմից վերահսկվող եկամուտ:

Բացի այդ, «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշների վճարը վճարվում է Հիմնադրամ, մինչդեռ հարկային մարմնի կողմից վերահսկվող եկամուտները պետք է վճարվեն ՀՀ պետական կամ համայնքների բյուջեներ:

Խնդրում ենք հաշվի առնել նաև այն հանգամանքը, որ ՀՀ գնումների հետ կապված բողոքներ քննող անձի վարույթներում արդենիսկ քննվել են դրոշմանիշային վճարների վերաբերյալ սասնյակ բողոքներ և «գնումների գործընթացին մասնակցելու իրավունք չունեցող մասնակիցների ցուցակում» ներառելու նպատակով ընթացակարգեր, որոնց քննության ընթացքում ՀՀ գնումների հետ կապված բողոքներ քննող անձինք դրոշմանիշների վճարը, որպես ժամկետանց հարկային պարտավորություն չեն դիտարկել, քանի որ «Հարկ վճարողի անձնական հաշվի քարտի» քաղվածքում որպես հարկային մարմինների կողմից վերահսկվող եկամուտների գծով պարտավորություններ դրոշմանիշների վճարը ընդհանրապես նախատեսված չէ և առկա է ընկերությունների կողմից իրագեկված չլինելու հանգամանքը:

Բացի այդ, «Լոռի ճանապարհների շահագործման և շինարարական» ՓԲԸ-ի 13.09.2018թ. ներկայացրած թիվ ԳԲԽ-ԱՄ-2018/83 բողոքի քննության շրջանակներում ՀՀ ՊԵԿ-ի կողմից ՀՀ տրանսպորտի, կապի և տեղեկատվական տեխնոլոգիաների նախարարությանը 12.09.2018թ. ուղղված գրությամբ (մատնանշված է 01.10.2018թ. կայացրած թիվ ԳԲԽ-ԱՄ-2018/83 որոշմամբ) հենց ՀՀ ՊԵԿ-ը հայտնել է հետևյալը. «Դրոշմանիշային վճարների գծով առկա պարտավորությունները անհրաժեշտ է չդիտարկել որպես հարկային մարմինների կողմից վերահսկվող եկամուտների գծով առկա ժամկետանց պարտավորություն»:

Ելնելով վերոնշված փաստերից ու փաստական հանգամանքներից, խնդրում ենք Ձեզ «Մեյդ Թու Մեյք» ՍՊԸ-ին չվերագրել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի




<<ա>> ենթակետով նախատեսված գնման գործընթացի շրջանակում ստանձնած որևէ պարտավորության խախտում, կասեցնել «ՀԱԷԿ» ՓԲԸ-ի «ՀԱԷԿ-ԲՄԱՊԶԲ-10/19» ընթացակարգի գնահատող հանձնաժողովի համար 3 արձանագրությունը և ճանաչել «ՀԱԷԿ» ՓԲԸ-ի կողմից հայտարարված «ՀԱԷԿ-ԲՄԱՊԶԲ-10/19» ծածկագրով պաշտպանիչ միջոցների ձեռքբերման մրցույթում 6,14 և 17 չափաբժիններով ընտրված մասնակից:

Առդիր՝ թերթ:

Հարգանքով՝

«Մեյդ Թու Մեյք» ՍՊԸ

տնօրեն՝ Յու Դանիելյան



06.06. 2019թ.